

水間金花結玉柯超生滅這本來一點無少無多

好沒來由名利區區幾時盡頭算榮華富貴名高位顯妻兒艷
女肯做持修冷淡玄門清虛妙道苦澁難行孰意留修行路悟
輪迴生死有分仙流 除身盡是閑愁猛割斷冤情去便休頂
青巾布素隨緣度日逍遙雲水物外遨遊閑裏尋閑損之又損
火滅煙消絕外求將歸去這酆都路變蓬島瀛洲

自古愚賢日月輪催盡沉下泉歎張陳義斷因名利恣奢華後
主破壞家園楚廟江邊漢陵原畔勢盡還空皆亦然英雄輩盡
遺留壞塚衰草綿綿 嗚呼往事堪憐染虛幻浮華逐逝沿又
爭如省悟塵勞夢趣貧閑歸素保煉丹田越過輪迴超昇苦海
道藏輯要 水雲集 胃集五 八八三

直上清涼般若船逍遙岸會玄朋瓊路同訪桃源

倏忽光陰四大浮空是非久堅這輪迴誰保朝昏徹被家緣恩
愛繫絆遷延一箇真靈千生萬劫苦海浮沉逐孽緣當須悟在
伊家慷慨生死爭先 聰明切聽微言好放下閑愁搜妙玄認
貧閑寂淡休生惡勘元初一點擺出新鮮直正無私常行平等
坦蕩逍遙任自然真功行向閑中慢慢積累成手

望海潮

全真大道無爲清淨重重障碍堪嗟每歎自緣招且不免閑遊
雲水他趨無念謗誹邪願人人早悟急景浮華道祖西昇去尙
猶避過流沙 歸地肺復仙家會雲朋霞友真樂無涯虛堂宴

賞蟠桃爛熳瑤卮共飲流霞滿坐戴瓊花得玄玄結正一粒丹
砂此際功成行滿同泛渡雲槎

堪嗟浮世誰能省悟人人俗景迷遮顏貌日衰殘猶尙苦貪求
愛戀嬰娃慾海浪途賒被二輪催促易鬢霜華忽爾無常限到
着甚理逃趨 爭如悟速拋家屏塵緣外絕內固根芽三千密
要陰功八百真誠鍊行無差雲水步煙霞認三光真秀凝結丹
砂異日功成去也牛斗泛靈槎

恣逍遙

自慕貧閑來來懶惰憨憨地並無災禍殘羹冷飯全無煙火喫
一盃肚暖則箇 他非於予可可眼前事近來識破騰騰
道藏輯要 水雲集 三五 胃集五 四六

兀兀隨緣且過恣逍遙住行坐臥

南柯子

頻剔靈明燭勤磨智慧刀萬緣一豁絕絲毫鍛鍊元初終始莫
辭勞 水底霞光起山頭雪浪拋虎龍蟠鼎繞週遭鍊就仙丹
步步上青霄

雲去南山靜風來渭水寒凌波凝結一團團萬里晴空清爽此
時觀 雄劍鳴開匣人頭落玉盤一輪明月上欄杆了了從斯
心意始閑安

黃鶯兒令

活鬼活鬼日日市鄽爭名競利爲戀他好女嬌兒把根源輕棄